



Broj:18.7.3-16.4-4724-13/15
Datum:10.09.2015. godine

Na osnovu člana 61. Zakona o Upravi ("Službeni glasnik BiH", broj 32/02 i 102/09), člana 23. stav 1. Zakona o službi za poslove sa strancima ("Službeni glasnik BiH", broj 54/05 i 36/08), člana 64. stav (1) tačka a), člana 70. Zakona o javnim nabavkama Bosne i Hercegovine („Službeni glasnik BiH“, broj 39/14) i Zapisnika o pregledu i ocjeni ponuda broj: 18.7.3-16.4-4724-12/15 od 08.09.2015. godine, zamjenik direktora Službe d o n o s i:

O D L U K U

Član 1.

Prihvata se preporuka Komisije za javne nabavke Službe o dodjeli Ugovora najpovoljnijem ponuđaču, na osnovu kriterija ekonomski najpovoljnije ponude u otvorenom postupku nabavke novih putničkih motornih vozila niže klase i niže srednje klase i to:

- **LOT-1. – Nabavka novih putničkih motornih vozila niže klase „VERANO MOTORS“ d.o.o. Banja Luka** sa ukupnim iznosom ponude od **200.196,36 KM** sa uračunatim PDV-om

Član 2.

Ugovorni organ će dostaviti na potpis i ovjeru ponuđaču iz člana 1. ove Odluke potpisan i ovjeren Ugovor sa svoje strane.

Ponuđač čija je ponuda izabrana kao najpovoljnija obavezuje se da dostavljeni potpisani i ovjereni Ugovor potpiše i ovjeri u roku od 10 dana od dana prijema, te da isti dostavi na Protokol Službe za poslove sa strancima.

U suprotnom Služba za poslove sa strancima smatrat će da je izabrani ponuđač odustao od Ugovora.

Član 3.

Za realizaciju ove Odluke zadužuje se Sektor za administraciju.

Član 4.

Ova odluka objavit će se na web stranici Ugovornog organa, www.sps.gov.ba, i istovremeno će se uputiti ponuđačima koji su učestovali u postupku javne nabavke.

Član 5.

Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju procedura javne nabavke novih putničkih motornih vozila niže klase i niže srednje klase broj: 18.7.3-16.4-4724-1/15 i proveden je putem otvorenog postupka sa objavom obavještenja na Portalu javnih nabavki

broj 1420-1-1-21-3/15 i objavom sažetka obavještenja u Službenom glasniku BiH broj 57/15 od 20.07.2015. godine.

Na osnovu obavještenja o nabavci za nabavku novih putničkih motornih vozila niže klase (LOT-1.) ponude je dostavilo 5 (pet) ponuđača i to:

- „VERANO MOTORS“ d.o.o. Banja Luka
- „GUMA M“ d.o.o. Mostar
- „TRIAB“ d.o.o. Sarajevo
- „PORSCHE BH“ d.o.o. Sarajevo
- „AUTOCENTAR GANJGO“ d.o.o. Matuzići-Doboj Jug

Komisija za javne nabavke Službe konstatovala je da ponude 4 (četiri) ponuđača ne ispunjavaju uslove navedene u otvorenom postupku javne nabavke novih putničkih motornih vozila niže klase (LOT-1.) i iste se smatraju neprihvatljivim i to iz sljedećih razloga:

1. Ponuda ponuđača „GUMA M“ d.o.o. Mostar se odbija jer je navedeni ponuđač u obrascu za cijenu ponude (Aneks br. 3) za LOT-1. pod karakteristikama ponuđenog vozila naveo da vozilo posjeduje zračni jastuk samo za vozača, a minimalni uslov je bio da vozilo mora imati zračne jastuke i za vozača i za suvozača. Znači ponuđeno vozilo ne odgovara minimalnim tehničkim karakteristikama traženim Tenderskom dokumentacijom.
Pored navedenog, navedeni ponuđač je obrascu za cijenu ponude (Aneks br. 3) za LOT-1. ponudio plan održavanja vozila koji uključuje troškove redovnih servisa za minimalno pređenih 100.000 kilometara, a tačkom 3.1.3 pod d) Tenderske dokumentacije je traženo da plan održavanja vozila uključuje troškove redovnih servisa u periodu važenja garancije a minimalno za 120.000 pređenih kilometara.
2. Ponuda ponuđača „TRIAB“ d.o.o. Sarajevo se odbija jer navedeni ponuđač nije dostavio plan održavanja vozila, kako je traženo tačkom 3.1.3 pod d) Tenderske dokumentacije.
Pored navedenog, navedeni ponuđač obrazac za cijenu ponude (Aneks br. 3) za LOT-1. nije popunio u skladu sa Tenderskom dokumentacijom. Naime, navedeni ponuđač je u obrazac za cijenu ponude (Aneks br. 3) upisao samo pojedinačne cijene vozila, a pored toga je trebao cijenu jednog vozila pomnožiti sa količinom i onda navesti ukupnu cijenu svih vozila, kako je propisano obrascem za cijenu ponude.
3. Ponuda ponuđača „PORCHE BH“ d.o.o. Sarajevo se odbija u dijelu koji se odnosi na LOT-1. jer navedeni ponuđač nije ponudio vozilo koje odgovara minimalnim tehničkim karakteristikama traženim Tenderskom dokumentacijom. Naime, navedeni ponuđač nije naveo da li ponuđeno vozilo za LOT-1. posjeduje ABS, grijano zadnje staklo, centralno zaključavanje, svjetla za maglu prednja i rezervni točak, a što je bilo propisano kao minimalni uslov u obrascu za cijenu ponude (Aneks br. 3) za LOT-1.
4. Ponuda ponuđača „AUTOCENTAR GANJGO“ d.o.o. Matuzići – Doboj Jug se odbija jer ponuda nije čvrsto uvezana na način da onemogućí naknadno vađenje ili umetanje listova, sve stranice nisu numerisane ni parafirane, niti je ponuđač dostavio dvije kopije orginalne ponude, kako je traženo tačkom 4.2. Tenderske dokumentacije. Pod čvrstim uvezom podrazumjeva se ponuda ukoričena u knjigu ili ponuda osigurana jamstvenikom.

Također, navedeni ponuđač je dostavio izjave iz Aneks 6. i 7., međutim navedene izjave nije ovjerio kod nadležnog organa (sud, općina ili notar), kako je to propisano tačkama 3.1.3. i 5.4. Tenderske dokumentacije.

Pored nabrojanog, navedeni ponuđač nije dostavio plan održavanja vozila, kako je traženo tačkom 3.1.3. pod d) Tenderske dokumentacije.

Imajući u vidu gore navedeno, Komisija za javne nabavke je konstatovala da su ponude ponuđača „GUMA M“ d.o.o. Mostar, „TRIAB“ d.o.o. Sarajevo, PORSCHE BH“ d.o.o. Sarajevo, AUTOCENTAR GANJGO“ d.o.o. Matuzići-Doboj Jug neprihvatljive i da se kao takve odbacuju.

Komisija za javne nabavke Službe imenovana Odlukom direktora broj: 18.1-02.2-679/15 od 28.01.2015. godine izvršila je pregled i ocjenu ponuda (Zapisnik o pregledu i ocjeni ponuda broj: 18.7.3-16.4-4724-12/15 je u prilogu Odluke) i uputila preporuku zamjeniku direktora Službe za izbor najpovoljnijeg ponuđača.


Uzimajući u obzir navedeno, odlučeno je kao u dispozitivu ove Odluke.

Pouka o pravnom lijeku

Žalba se izjavljuje Službi za poslove sa strancima u pisanoj formi u tri primjerka neposredno, elektronskim putem ili preporučeno poštom sa povratnicom u roku od 10 dana od dana prijema ove odluke.

Dostaviti:

- svim ponuđačima
- web stranica Službe
- a/a



ZAMJENIK DIREKTORA

Dr. Izet Nizam